



Biblioteke su postale skladište nastavnika koji su ostali bez norme

U sedmoj epizodi treće sezone **Besjeda o obrazovanju**, gost je bio Saša Madacki, koji govori o položaju bibliotekara, lošem finansiranju nauke i obrazovanja, te gubitku značenja ljudskih prava.



Sedma epizoda treće sezone obrazovnog podcasta *Besjede o obrazovanju* je ove srijede ugostio **Sašu Madackog**.

Nakon univerzitetske karijere nastavio je da se bavi obrazovanjem i to kao predavač na SHL Akademiji.

Govoreći o trenutnom položaju bibliotekara u društvu Madacki je rekao da „*sliku o bibliotekarima grade mahom nebibliotekari na praznične dane*“ i da bi „*bibliotekari bili važni u društvu koje zaista želi priču o znanju.*“

Satirični list koji je pokrenula grupa bibliotekara i koji je izlazio tri godine „*Jutarnji bibliotekar*“ je bio sjajna inicijativa, ali ljudi su strahovali da se pridruže ekipi koja je entuzijastično stvarala ovo glasilo, upravo zbog satiričnog momenta koji je ukazivao na probleme i prepreke sa kojima se bibliotekari susreću i bore već godinama.

Budžet koji je predviđen za **obrazovanje nedovoljan**. A budžeti koji se ulažu u nauku nisu „*velika ulaganja*“ već su isključivo sredstva da se nauka ne ugasi u potpunosti. Fakulteti i instituti koji dobiju ovaj novac, isti mogu potrošiti za trenutak, i to na krucijalne stvari a ne na neke inovativne i progresivne ideje i eksperimente. Samim tim ove institucije postaju dosadne i neprivlačne potencijalnim budućim studentima te se smanjuje broj upisanih studenata.

Ljudska prava su u potpunosti isprana i izgubili smo mnogo od izvornog značenja i onoga što bi ta prava trebalo da predstavljaju.

U segmentu „*Preporuke gosta*“ gospodin **Madacki** je preporučio knjigu „*Konačari*“ **Nenada Veličkovića** a druga je „*Ishodište pitanja*“ Predraga Fincija studija o tome šta sve pitanje može da bude, a kao bonus preporuka jesu romani toka svijesti **Faulkner-a, Virginie Woolf i James Joyce-a**.

Pozivamo vas da nas pratite svake srijede u 19h na [Facebook profilu Besjeda o obrazovanju](#), [Instagram](#) i [Facebook profilu COI Step By Step](#) i na našem [YouTube kanalu](#). Preporučujemo vam da kliknete “subscribe” i ? na našem YouTube kanalu kako biste primali obavijesti o našim sadržajima. A možete nas podržati i putem [Patreon-a](#) gdje nam možete donirati novac za produkciju budućih Besjeda.

Collections

Besjede o obrazovanju